


DS


793

S62F8

1799

v. 1






D3

772

S. 6-78

1799

1801



志異新編序

神寒西集雪海平沙之作

序書地理里志

立時征入北望微山微大之篇

益高蹟動

花天碧草弔古赫連聖時

聖地黃虛此雖王集

清夏莫賦從軍之樂况以純昭

清集

之類言楚易工於斯為甚乃有金

加茂

身學植板長歌對亦高


花正長之

為多綜康樂之馬

冷

之

少



志異新編序

靜塞西垂雪海平沙之什

唐書地理志北庭大都護府有輪臺縣後

置靜塞軍征人北望狼山獵火之篇登高疏勒城頭

粘天碧草弔古赫連臺畔匝地黃塵此雖王粲

濡毫莫賦從軍之樂況以鮑昭染翰曾嗟行路

之難言愁易工於斯為甚乃有金笳夜噉和以

易聲檀板晨敲歌非商調攬正長之雅詠豪宕

為多綜康樂之高吟恬愉不少如我

蘭泉廉使門風清劬族望通明冠冕中台濟韋

平之鴻業丹青畫閣衍褒鄂之英聲豈惟公不

慙卿亦復儒能兼吏鐵衣都護籌邊在新開金

湯繡服望郎奉使遂光分旄節歷校尉戍已之

部五紀星霜駐車師前後之庭諸番都會烏魯木齊

今迪化州

觀察

時則

云即漢車師

王庭

威稜久暢長城無飲馬之謠戎索遐周並塞無

射雕之騎耕屯春到計上屢豐羽檄晨稀政閑

多暇於是礪礪古戍殺初空壕迢迢聚米之山

川歷歷種榆之甌脫星軺問俗猶挈奚囊露冕

觀風都歸綵筆，加以盾邊磨墨。半屬酬懷驛裏，
拈題尤工贈遠。芍藥寄將離之草，執手河梁蒲
萄傾夜合之杯。論心官閣，唱徹陽關三疊。蒼涼
朝雨，輕塵吹來，羌笛一聲惆悵。春風綠柳可謂
流連光景，抒寫性靈者矣。在昔高常侍長歌之
和樂府，曾標亦聞岑補闕送別之吟。篇題適合
岑參有若使天衣作紙，價重傳抄。集中有天
輪臺歌從月竈聞音，譜諳曲度。僕也十載詞臣，愧江花
之早竭。中年遷客，慨潘鬢之先凋。空登馬市之

臺鮮卑塞冷未續竹枝之調杭靄山遙

廬都轉見曾出

塞集有杭靄竹枝詞杭靄烏里雅蘇臺山名

者番感觸前塵夢回雁

磧此地遭逢雅集星聚龍山猥邀敬禮為定文
遂許桓譚為知己屬言弁冕敢先批糠何須驃
騎詩中聽來瀚海涼秋之句誰向旗亭壁上賭
取黃河遠上之詞是為序

嘉慶四年歲在屠維協洽且月吉朔嘉禾愚弟
周升桓拜撰

自叙

嘗觀志異諸書皆仙狐靈鬼
怪々奇々固足以駭人耳目然求
其實據真々乎難々此編々志
異則不然惟取夫天地人物日用
尋常々事炳乎有據信乎有

徵者如雪深二十丈或經年不雨
此天之異也或為雪山冰山或為
風洞火洞此地之異也浴水而娘
抱樹成孕其為身也或長至十丈
或短僅三尺其為形也或狗頭
毛面或碧眼紅鬚此人其異

也若乃蓮開花於雪中禽翼
卵于冰上瓜長七尺羊小九寸
赤蛇舞而火焰生青羊起而
冰雹降此物之異也椿園部
曹曾為異域瑣談以志之惟其
事則散見百出其文則汗漫

難稽譬之滿屋散錢未能一索
貫之余是以咏皮竹枝詞百首
以為綱分注其事以為目俾閱者
悅心爽目焉至若伊參軍不肯
納簪組家之兒婦康方伯代故
人之女擇婿乃吉人之義舉亦二

女之奇遭然以縉紳家之女媳淪
落貧寒欲鬻為人妾亦異事也
余譜為歌行以志之蓋欲膾炙
人口以傳千古耳凡此皆炳乎可
據信乎可徵非若仙狐靈鬼怪
奇之徒駭人之耳目者所可比也

又附錄英咭喇國貢品趙風子傳
異夢述於後以廣見聞式為叙
乾隆己酉孟冬

長白福慶題



志異新編卷之一

長白福 慶仲餘氏著

異域竹枝詞 併序

部曹椿園所撰異域瑣談分新疆外藩及
絕域諸國列傳山川風物土俗民情歷歷
在目余讀而喜之作竹枝詞百首以志異

新疆

嘉峪關為出塞門雪山起伏翠雲根羣峰玉立
九千里山北山南界遠藩

雪山起自嘉峪關而西山南為哈密開展哈喇沙拉庫車阿克蘇烏什葉爾羌和闐喀什噶爾其餘小城無算皆回民聚居所謂南路也山北為巴里坤烏魯木齊伊犁塔爾巴哈台其餘愛曼亦無算為準噶爾故地所謂北路也雪山之在中國者嘉峪關外東西綿亘九千里有奇為南北兩路之分界自葉爾羌山愈高峻西南折入溫都斯坦其高不可測量復折而西或曰直達西海矣

仲餘氏曰按玉門縣志雪山即古祁連山其
勢蜿蜒高聳雲外冬夏積雪不消綿亘東西
又安西州志載雪山東亘終南西極崑崙綿
延不絕莫見首尾云

本朝開拓新疆二萬餘里幅輳遼濶從古所
未有雪山自嘉峪關起界分南北實出塞首
善之區也

三峰孤聳插青天冰雪瑩瑩照眼鮮一片琉璃
遮日月水晶宮闕在山巔

嘉峪關西最大而著者烏魯木齊有博克達
打坂三峰孤聳冰雪晶瑩望之如琉璃插天
虧蔽日月靈跡最著俗呼為靈山山頂有池
寬廣宏深中有龍藏雲氣起則雨雪隨之

草肥水暢足牛羊千里周陞好牧場支派各分
山一脈康衢鼓腹樂豐穰

哈喇沙拉有著勒土斯圍逾千里水草暢肥
宜遊牧牲畜

仲餘氏曰著勒土斯能享昇平之樂乃仗

天朝之威福非其能自致也若輩欣逢光天
化日之時應鼓腹而歌曰

帝力何有於我哉

層氷山上白如銀斧鑿成窩足可循西望忽驚
峰巒起挈雲萬丈黑龍鱗

伊犁烏什之交有穆肅爾打坂其山皆氷色
白望如銀南北兩路之衝衢也相傳須持斧
鋤斫鑿成窩容足然後能過其西山峰矗起
望之深青其氷色黑其上不可往來

水雪溶流散各城沙田彌望樂春耕源源匯派
歸星宿葱嶺東西玉潤生

葉爾羌有密爾岱打坂生玉其西復有冰山
一處勢益險為葉爾羌溫都斯坦往來必由
之孔道更有雪山在焉其上冰雪自古積滿
其上冰雪之水自山陽上下春夏湧流散趨
於南路各城以資耕種諸水皆聚於賀卜諾
爾即星宿海也泉水赤黃湧地而出遙望之
落落如列星散布復經雪水會歸流入中國

即黃河也自後藏西南各國雪水經番地流入中國川江千里江陵入楚吳而朝宗於海也

椿園氏曰按竹書周穆王十七年王西征昆侖北見西王母神其說者謂穆王享王母於瑤池之上賦詩往來辭義可觀尤多閎誕之文山海經則以昆侖在西海大荒之外而司馬遷云自張騫使大夏之後窮河源惡覩所謂崑崙者乎或曰張騫僅至大宛未能窮崑

崦之跡迄今去長安四萬里之地多有經其
山川風物而傳之者又惡覩所謂崦崦者乎
喀什噶爾葉爾羌和闐西北雪山其古之所
謂葱嶺者與

仲餘氏曰冰山既能生物而春夏湧流又資
耕種實天地之奇異匪夷所思矣

蘓勒河邊故蹟存安西今設重兵屯沙州東去
多沙磧人指陽關古塞門

嘉峪關外沙磧千里乏水草絕人烟前漢有

事於邊陲置安西敦煌之郡歷代為塞垣要區我

朝於關之西二百九十里設玉門縣又西三百里設安西府附郭之縣曰淵泉乾隆三十九年改為安西直隸州裁淵泉縣鎮將同城焉州西即蘇勒故國蹟雖無可驗呼其水曰蘇勒河州南六百里即沙州並新設之敦煌縣其地沙磧尤甚所產之瀚海石猶竒沙州東四站即陽關故趾雖存今非大路之所經

仲餘氏曰按敦煌縣志沙州古三危地羗戎所居春秋時謂之瓜州秦漢初為月支匈奴所據武帝元鼎二年分酒泉置敦煌郡晉因之元帝時張駿分敦煌晉昌高昌三郡及西域都護戍已校尉玉門大護軍三營為沙州唐為西沙州宋時先後為回鶻元昊所據元復立為沙州明置沙州衛至正德年間吐魯番據之沙州遂廢本朝雍正元年置沙州所三年陞衛乾隆二十五年裁沙州衛改設敦

煌縣隸安西州云又陽關在敦煌西南一百五十餘里漢書西域三十六國東則厄以玉門陽關

月泉清列月牙形沙井還依沙隴平一例水深三二尺阿誰甲乙試茶鐺

椿園氏曰沙州有泉一區深二三尺偃月形俗呼曰月牙泉水甘清列四圍流沙廣漠無垠亦不知其深幾何尋丈而此泉不沒古稱陽關西有不満沙井得毋即此

仲餘氏曰按通志月牙泉在縣南十里其水
澄澈環以流沙雖遇烈風而泉不為沙掩蓋
名蹟也舊傳水產鐵背魚七星草服之可長
生但不時見土人亦呼為麻泉又元和志載
鳴沙山一名神沙山在沙州城南七里其山
積沙為之峰巒危峭踰於石四面皆沙隴背
如刀刃人登之即鳴隨足顛落經宿風吹復
還如舊有一泉水名曰沙井綿歷古今沙填
不滿水極甘美則月牙泉沙井自是二處未

可以月牙泉即為沙井也

烽臺故壘說前明重鎮崇墉屹兩城哈密儲胥
成內地連車瓜果進

神京

安西之西九百餘里即哈密城古之回國也
前明曾臣屬中夏立赤金沙州衛哈密衛駐
重鎮旋不能守然其地故壘烽臺遺跡可尋
國朝歸入版圖商賈雲集百貨俱備儼然一
大都會康熙時準噶爾犯之逾哈密而東犯

黃蘆岡命將驅逐而逸雍正時天兵西下額魯特鼠竄棄巴里坤而逃軍需皆由哈密轉運乾隆十九年掃蕩伊犁諸軍皆出嘉峪關哈密為糧餉總滙之地以迄於軍務告蕝至今邊外各城歲需帑項仍由哈密撥解運往建城一處四里有奇其西里餘即哈密回子之城其王曰伊薩克管下回子六城曰哈密曰素木哈爾灰曰阿思他納曰托哈奇曰拉珠楚克曰哈拉托巴皆伊薩克屬也傳其子

孫無別色伯克管轄其人寡弱不滿二千戶
多貧苦語言與新疆回子不同衣相似但帽
圓翅短耳夏熱冬寒產瓜葡萄北即巴里坤
南即闢展為嘉峪關外第一門戶

紅山岡下鞏寧城紅廟前頭唱太平共道山川
靈秀聚北門鎖鑰伏波營

烏魯木齊準噶爾故地也額魯特強盛時多
在此游牧今俱勦滅其地土宇曠平多林木
煤鐵之利水甘草肥宜滋牧放而沃野千里

堪資兵衆屯田自設鞏寧城以來商賈雲集
優伶歌童技藝之輩趨利若鶩嘉峪關外繁
華昌盛者此地為最且當孔道扼伊犁門戶
咽喉之要路紅山嘴上有廟一楹紅土墁壁
故俗呼曰紅廟兒今設迪化直隸州所屬阜
康昌吉兩縣城西沙岡產煤東南即博克達
打坂其下百里泥淖不可登涉諸峯蜿蜒至
紅山嘴止中斷三里餘忽起高峯即福壽山
也夏多雨而熱多毒蟲蛇益西北皆平野膏

田曰胡圖壁曰土古里克曰瑪納斯皆屯田之處

嶺斷仍連福壽山兩峯夾水勢潺湲舊城人向新城渡盡道溫泉試浴還

烏魯木齊福壽山兩山斷處即塢納斯大河之水汹涌奔流經新城之東舊城之西向東南流赴齊克打坂而去新城距舊城八里城東二十里有溫泉

松山合抱老松蒼野雉成羣下上翔別有壓油

供夕照茅檐燈火雪山傍

福壽山南一百八十里為松山皆合抱老松
多野牲雉肥如蠟土產阿魏壓油烏取松皮
為膏能已沉寒癆蠱之疾

巴里坤居北套陽披裘六月雨生涼年來二麥
霜前熟進可前攻退可防

巴里坤在哈密西北三百餘里亦隼噶爾故
地南界哈密北隣北套歸化城西通烏魯木
齊進可以攻退可以防為南北適中緊要之

區設鎮西府宜禾縣府西八站建城一處曰
古城駐防携眷滿兵以聯絡各城之勢西即
奇台通判四十年改設奇台縣地寒五穀不
熟惟種青稞近年以來寒暄漸易可種二麥
穀糜矣土產野牲白蘑菇多松在雪山之北
氣候極寒多大雪惟五六月間無霜雪 烏
魯木齊巴里坤地方官制乃樁園所述也今
昔改設不同附載於卷一之末

傳說伊犁是舊巢降王歸化戰場拋而今惠遠

方城固闌闔謹聲溢四郊

伊犁準噶爾故地也為其汗王巢穴乾隆十九年阿睦爾薩納與準噶爾汗達瓦齊不和率其部落棄塔爾巴哈台款關內附

上受其降命將征討平定伊犁達瓦齊就擒準噶爾境土盡入版圖築城一處十八里有奇曰惠遠城特簡將軍駐劄統轄南北兩路滿漢索倫西徠察哈爾額魯特回子兵衆分布城外

巨澤青羊說有神電隨噓氣落沙垠甘泉療疾
渠消渴驅鱷何人使自馴

伊犁南有巨澤曰賽里木諾爾其神青羊大
角多鬚見則雨雹其北為哈布塔海山溫泉
出焉浴之已寒濕之疾又北他爾奇城烏哈
爾里克城屯田所也阿拉瑪圖山泉水南流
為烏哈拉克水環城西北來開渠引之入
城城無井官兵賴之南流入於伊犁河又北
為他爾奇山多果木

虎豹熊羆麋鹿饒將軍會獵趁秋飈不須夜識
金銀氣塞草肥時塞馬驕

伊犁之東一百八十里曰哈什山峯嶺高峻
迴環數百里其上多銀下多野獸為將軍圍
場有哈什回子之城惠遠城東北四百餘里
曰博羅他拉川駐防察哈爾兵

迤東煤鐵出荒邱炊冶堪資不外求城築惠寧
為犄角熟田彌望歲多收

伊犁東五十五里曰巴彥帶今為惠寧城駐

滿兵惠遠城東十五里有培塿為控俄爾鄂
羅山其下多煤其陰產鐵惠寧城東十五里
曰固爾扎回子城回子耕種

土蛇多見穆懷圖筆立能傷汗血駒王道於今
皆坦蕩么麼何物阻當途

伊犁東北為穆懷圖多土蛇見馬則其頭入
土筆立馬腹膨然不能行馬倒則入其鼻而
監其腦

元獺年年貢

三
帝畿地宜花藥艷披離守株莫待平郊兔射得
熊來是健兒

伊犁北庫車托木山產元獺歲入貢東北濟
喇噶朗山庫色木什克山多熊且有蘋杏山
花藥草又惠遠城南多雉兔

鯊魚水獺湍冲澌急溜沿洄一葉通七百里環
西北去伏流星點白沙中

伊犁河迅溜急湍然可通舟楫多白魚鯊魚
水獺自哈什丕爾沁山河並山泉之水滙為

伊犁大河西北流過七百里入沙而伏

豐草深林葦作湖封狼獾豕羝羊俱登高試望
松峯外八堡南頭雪浪鋪

其地在伊犁河南川平而濶有八堡地曰綽
霍爾曰巴圖蒙可曰沙爾托海曰可特曼曰
霍集格爾曰巴克其東皆深林豐草多狼野
羊有葦湖多黃羊野豕又南八十里為察布
察爾山高峯插雲多松柏又南二百里為特
可斯河寬迅多激浪渡以舟冬煖西流入布

魯特界

千峯萬壑沍水凝遺卵非關覆翼成寒極新雛
翻破敲天公生物最難明

伊犁南四百里地為穆肅爾打坂山千峯萬
仞皆冰厚八十里有鳥遺卵冰上極寒則卵
裂而鳥飛

山上白鷹不計年山下蒼狐如洞仙恠底野人
多信怪賽神笳鼓鬧繁絃

穆肅爾打坂山神乃白鷹蒼狐也山之南之

東多松栢油草為官畜牧放之地惠遠城西
皆平原曰賀勒果斯川四百里曰齊七罕川
駐防索倫眷兵達呼里兵北為圖里根山博
羅霍濟格爾山路通哈薩克之界又西北六
百里為阿拉坦鄂木爾山其南為控鄂爾鄂
倫山皆哈薩克之界

注草精金垌野多幅頓寬廣足嘉禾昇平都會
人知樂估客年年作隊過

伊犁境內多油草最益於牧畜而阿拉坦鄂

木爾多金處處禾稼暢茂享昇平之樂云惠
遠城東南五百里為著勒土斯山與哈喇沙
拉連界多油草額魯特土兵二千游牧其地
城西南七百餘里曰他木哈山其西皆布魯
特地界

地便漁畝近伊犁兔雉鮮肥更樹雞北鄙巖疆
皆舜日輕揮翠扇靜霜聲

塔爾巴哈台準噶爾故地也有烏烏毛類雞
大者觔許肥鮮適口棲止皆於樹杪俗呼為

樹鷄老鴉正綠似鸚鵡之翼多翡翠俗取以
飾扇額米爾河洑湧浩瀚中多鱖魚鯊鮪水
獺各山皆產兔鹿麋鹿野雞肥大羣飛多熊
其毛蒼黃多四不像數百為羣其種人曰打
什達瓦亦額魯特之屬地曰雅爾又曰楚呼
楚即阿睦爾薩納當年游牧之處乾隆二十
年後準噶爾破滅阿睦爾薩納伏誅因而其
地空虛土宇寬廣地居巖疆南至伊犁八站
以沁達蘭為界北至哈薩克七日以玉兒諾

爾為界西至哈薩克三日以賽得爾莫多為
界東至哈爾哈六站以庫爾哈達烏蘇為界
北去鄂羅斯不滿五百里兩地之卡倫相望
為北鄙緊要之區伊犁屏藩之地

雪深盈丈朔風狂蛇伏蠅飛水飲妨舊戍已空
人跡罕憑誰重與破天荒

塔爾巴哈台舊在東南四站屯劄因多大雪
深至丈餘有毒蛇人飲其泉往往感拘攣瘕
瘕之疾瘕病也且多白蠅為害常觸人畜眼

角輒遺蛆而去非膠粘之不出以故移駐楚
呼楚即阿睦爾薩納當年游牧之地改名塔
爾巴哈台然奇寒大雪地處偏隅非四達必
由之路哈薩克額魯特之外商賈不通人跡
罕到究一荒涼地界而已

洞裡旋風起羊角黑黃雨氣雜塵氛揚沙走石
尋常事往往人間失牧羣

闢展回城也溽暑非常而東北山有風洞故
數百里內多怪風或黑或黃掀山飛石驢羊

之類遇之輒吹去無踪地當孔道東界哈密
西至哈喇沙拉北通烏魯木齊之齊克打坂
為南路衝途有城垣乃吐魯番所屬雍正時
額魯特騷擾其地其大頭目伊敏和卓投誠
歸化移其人衆於安西沙州以避之乾隆二
十年後平定伊犁土爾番回子仍歸故土
土俗人呼火焰山童童赫日照孱顏流金爍石
難逃暑羸得三冬煖氣還

吐魯番夏日酷暑非常東南一帶沙山絕無

草木日光照射尤不可耐故俗呼之曰火焰
山也冬日和煖無嚴寒大雪土產麥穀芝蔴
其甜瓜西瓜葡萄類甚繁並皆佳妙甲於回
地各城其人耕田半鑿井為灌溉之資間有
需山泉者土田肥沃亦多棉豆之利吐魯番
北里許多怪風驢羊遇之輒吹去本為伊敏
和卓之子公蘓拉滿所居地統轄回子六城
曰吐魯番曰魯古沁曰闢展曰色更木曰托
克遜曰哈拉和卓六城人戶皆蘓拉滿之阿

爾巴圖世襲土官非回疆各城陞調去留可
比人戶惟吐魯番最多然合而計之不過三
千餘家耳亦多貧苦語言與回疆回子可通
衣帽無異伊敏和卓著有勞績封郡王駐闕
展距吐魯番東二百六十里

野駝野馬各奔馳瀚海茫茫風雪時寄語行人
腸莫斷當年定遠駐雄師

吐魯番南皆郭壁即瀚海也野駝野馬往往
百十為羣哈拉和卓回城即漢都護定遠侯

班超屯劄之所也

萬里漩流湧列星大珠盤走小珠停忽飛瀑布
忽懸鏡天上源來作地靈

吐魯番西南五百餘里為賀卜諾爾即世傳
黃河之源星宿海也自闐展西至和闐四五
千里之南自和闐南至後藏四五千之東
週迴萬里皆星宿海渺無人烟間有道途非
郭壁即泥淖難以往來直峰側嶺曠野平川
無地非泉或如鏡懸或如瀑布或萬點湧地

而出如珠之走盤或錯落散布而來如星之
躔度水色赤黃泉數難以萬千計派流莫考
沮洳無垠無一非洶湧旋流之水加以雪山
之陽回疆數千里各河東南長趨俱匯於賀
卜諾爾為黃水極大之湖潏洄渟滯旋轉而
伏其東其北皆峻嶺高峰以障蔽之伏流千
里出山始見黃水一線自山下湧出如溝如
渠寧夏之人且灌且淤以享其利東北迴環
入中國即黃河也

椿園氏曰古云葱嶺之水東為河源西歸洋海履其地而驗之信然其在賀卜諾爾為宇內最大之湖洞庭彭蠡僅敵其半伏流千里入中國止一線黃流耳至中州浸淫漸大而為害矣

不耕不牧自全天緝毳為衣藉翼眠多事諷經兼禮拜食魚元已絕葷羶

賀卜諾爾有二村即名賀卜諾爾人戶各四五百家其人不耕五穀不知游牧以魚為食

織野蔴為衣取天鵝絨為裘卧藉水禽之翼
言語與回子通曾不知諷經禮拜之事時有
人入庫爾勒回城者不能食牲畜之肉穀麥
之食食之即大吐不止以庫爾勒多魚故來
他處則不敢往矣為闢展屬地時赴叩謁則
裹魚為糧其地有伯克

秘密雙修行法奇開都河上列氍毹馬湏滿酌
酬歡意摻手留郎緩緩歸

哈喇沙拉在吐魯番西八百七十里原係回

城準噶爾吞併回人逃亡死絕其地竟無人
烟移霍碩特人來此游牧乾隆二十年間大
兵平定伊犁霍碩特多遭誅戮其餘逃散地
竟空虛創建一城東西南三門圍僅三里墻
亦卑薄乾隆三十五年後土爾扈特來歸始
將其汗烏巴錫部落霍碩特貝勒恭格部落
安插於著勒土斯令其資生並將噶子滿回
子二百戶移歸庫爾勒回城所有哈喇沙拉
城垣左近一帶地方均給土爾扈特和碩特

人等游牧且教之耕種開都河兩岸及著勒
土斯牧場羶帳雲屯皆伊等居住也數年以
來漸知耕種之事然其人貧苦懶惰性刁野
好偷竊搶奪婦人尤無耻到處可以宣淫而
針黹女工遠勝於回婦也極貧之男婦子女
多鬻於各城回子為奴往往盜馬偷衣不知
所適馬湏為酒謂之氣可牛乳為酒謂之阿
拉占敬喇嘛與額魯特同

訟罷歸家積雨晴河中新漲穀文生菰蘆深處

多魚雁結網人來踏水行

庫爾勒回城在哈喇沙拉西南一百五十里
回子七百餘戶內多情蘭回人地土遼濶開
都大河之水滌紆旋繞多魚多蘆雁蒲鴨鷗
鷺成行土產大米二麥集吉草可以為筴葡
萄瓜果無不茂盛其人好訟不知禮法多情蘭
回子之風也又西五百九十里為布古爾回
城

荒灘确徑葦湖橋西入回疆路正遙共道羔裘

生處好酥油裹帶趁星輶

布古爾回城也經兵燹逃亡無遺孑回疆平
定移情蘭回子居之蓋別種也土產羊皮酥
油獐獐獐銅城之南皆瀚海馬行三四日山
場豐美多野牲益南皆沮洳近星宿海矣蘆
葦湖灘繇邈無際為西入回疆咽喉之路自
葉爾羌和闐喀什噶爾阿克蘇沙雅爾來者
雖由山徑荒灘而行亦必經布古爾葦湖土
橋過渡舍此別無路徑也

柳條沙土築方城高踞層巖百雉成舊日龜茲
曾建國銅山堪鑄也堪耕

庫車回城在布古爾西三百里為龜茲故地
城矩方四門圍九里有奇依山岡為基墻皆
高丈許柳條沙土密築而成地勢高望之巍
然儼如金湯之聳峙也回子歲納糧為官兵
口糧納銅送烏什鑄錢納硝磺送伊犁備用
幅幘寬廣地處衝途為西入回疆之門戶也
南數十里外皆郭壁馬行三日山場豐茂多

志異考索 卷之一
野牲無人烟益南近星宿海矣

紫草黃連遍地生冬蟲夏草本同莖由來土沃
思淫易恒舞酣歌未解醒

庫車回人懦弱而偷安畏強梁不知恩義喜
酣飲狂歌風俗質樸節儉冬蟲夏草藥也其
根為蟲能動轉其枝葉則草也

雪中蓮放世應稀桑葢葡萄釀酒池戎索本無

多賦役硝銅端藉作軍資

詳前註

庫車北至扣克訥克即雪山奇寒大雪不可

居處山多野羊獺鹿多側柏黃連紫草麻黃
甘草雪蓮夏草冬蟲草肥回子皆來牧放牲
畜西北山勢拗折石土夾立嶙峋險峻為西
入阿克蘓必由之路東至布古爾止多麋子
桑甚之酒葡萄間亦釀酒土產搭連布銅硝
磺

硃砂充洞火光飛夜望華燈萬點輝憑仗寒威
銷烈焰裸身爭取汗猶揮

庫車出硃砂之山在城北其山多石洞春夏

六
三
秋洞中皆火夜望如燈光萬點人不可近冬
日極寒大雪火息土人往取赤身而後可入
礪砂皆產洞中如鍾乳形

獨憐小雨偶霏微灌溉全資泉水肥桃杏花開
春畹晚渭干河上唱歌歸

庫車少雨歲不過微雨一陣或竟無雨耕種
皆資開渠灌溉城東托和奈泉水最肥近城
皆北山之水分河三道西即渭干河回民熟
於開渠引水之事穀棉瓜菜皆可成熟桃杏

桑梨蘋婆含桃皆盛

佛洞深鑱繪像多高低處處盡祇陀白衣毫相莊嚴好漢楷輪迴經不磨

庫車城北二十里有小佛洞山石鑿穴繪佛城西六十里蘇巴什復有大佛洞其山前後上下鑿洞四五百處內皆五彩金粉繪西番佛其最高一洞三楹壁鑿白衣大士之像漢楷輪迴經一轉餘皆西番字跡不知誰氏之為

志異錄
仲餘氏曰佛氏原自西方來今回城在中國
之西其開洞而鑿佛像無足怪也

一望頽垣五里餘巋然堞雉少人居劫塵指點
徒能說弔古無從考廢除

庫車城東南十里破牆一段長五里餘雖係
土城而修築高厚堅實堞雉猶存非回城也
土人傳為漢時屯兵之所然亦無可考據

兵後荒餘久不堪戶千羊七剩牛三一從
聖澤涵濡久封殖家家計自諳

庫車原係回疆大城回戶三五萬家經霍集
占之亂且連遭凶荒死於饑饉兵火之災幾
無遺了所餘僅千戶耳大兵平定庫車之時
城內惟遺羊七隻牛三頭乾隆二十三年以
來休養生息家給人足迄今最貧苦之小回
子亦有牛羊馬匹出有衣家有食吉凶皆足
以成禮

土宜粳稻樹宜梨水涖荒村擁艷妻豈為臙脂
好顏色晡時早向布幃栖

沙雅爾回子小城也在庫車西南一百六十里其城緊依渭干河岸圍牆傾圯一荒涼村堡耳回戶七百餘家歲納糧銅硝磺地土下濕炎熱宜於粳稻諸菓皆佳而梨尤甘鬆可食西南山中林木蘆葦千里無際產獐獐獐狐狸多虎近城多葦湖以故夏多蚊如塵如霧日夕尤甚回子皆以布為帳幃晡時男婦子女皆入布帳中避之滿城牲畜咆哮身血津津然二更後始漸寧帖其人樸野誠實然

亦好訟婦女好顏色風俗與庫車相似
仲餘氏曰古稱燕趙多佳人今回地婦女多
美艷者足見天地無私惟視其靈氣之偶鍾
耳

烏什曾稱土爾番青錢普爾許名存獬獬那許
逃天戮猶溯擒渠獻

九閣

烏什本係回城回人謂之土爾番華言都會
也地在庫車西北千里城依南山諸峰環抱

大河滌繞其北人戶本兩三萬家準噶爾時
最為表著其阿奇木伯克霍機斯乃準噶爾
汗達瓦齊之所立也大兵入伊犁達瓦齊父
子逃至烏什為霍集斯擒獻中國以功封王
爵乃屢經叛亂回戶誅戮盡淨其錢名普爾
每文重一錢二分每百謂之一騰格回子私
用每五十為一騰格抵銀一兩官設爐鼓鑄
乾隆通寶普爾俱用紅銅其規模與內地制
錢同哈喇沙拉普爾與制錢通用以西大小

回城回子及兵民皆用普爾內地制錢不行
哈喇沙爾以東則無普爾矣幅帟遼濶北界
冰山南皆平川沃野山場林木草湖茂密皆
布魯特人戶游牧東至庫車西連葉爾羌烏
什之城名永寧地方空濶杳無人烟惟綠營
屯兵耕其荒廢之地嗣於阿克蘇葉爾羌和
闐英吉沙爾賽哩木拜城等回城派撥回子
七百餘戶移駐烏什種地納糧數年以來屋
宇田園漸盛矣

巧思刻玉自玲瓏鹿草裁韞繡更工衢術雲連
千肆賣郊園春到百花風

阿克蘇一大回地也在烏什東二百里有二
萬餘戶其人誠樸無華然亦好訟易惑亂回
子之陋習也人多技藝善攻玉製器精巧繡
鹿草為韞田土寬廣芝蔴二麥穀豆棉花果
菜之品充園塞圃酒肆茶坊鱗集街市每八
柵爾期會商販摩肩喧填竟日產梨最佳歲
充土貢地居衝要為西至各回城北往伊犁

四達必由之孔道

拜城最爾爨烟稀雪片霜花冷鐵衣逐客原來
無善地寒烏聊許一枝依

拜城最小回戶四五百家糧果產者甚稀路
當孔道其人多烏什回衆為霍集占所惡逐
之拜城

寶沙璨璨滿衝衢落木先秋葉早無為是雪山
寒氣勁春風不解為噓枯

賽里木回城在拜城東八十里距庫車西北

二百一十里乾隆二十三年大兵至庫車賽里木回子首先迎降當大道之衝出寶沙可以攻玉但在雪山之麓氣候極寒八九月間木葉盡脫間有桃杏交冬須聚土埋藏不然來春枯矣霜早惟二麥豌豆甜瓜葡萄有收餘皆不堪多種產銅硝風俗誠實敦厚無回子惡劣之習喜暢飲酣歌與庫車回子同舊巢瓦覆綠琉璃樓櫓亭臺一望齊漢已犁庭今絕幕尚憑軍府壯懷題

葉爾羌回疆一大城也回子呼為葉爾啟木
乃霍集占祖孫父子巢穴居室壯麗綠琉璃
瓦覆之今為糧餉局園亭亦敞濶華美今修
為辦事大臣之衙署矣城池堅固圍十餘里
幅幘寬敞田土壯平東界烏什西界巴達克
山南控和闐北隣喀什噶爾西南一帶均與
外藩連邊所屬十城曰葉爾羌曰哈拉噶里
克曰托古斯堪曰三珠曰契藩曰塔克曰克
可牙爾玉拉克曰火沙喇可曰巴爾楚克

最遠一城在葉爾羌西馬行十日界乎巴達克山之間者曰賽克羅十城俱有伯克惟葉爾羌人戶獨多不下七八萬家九城各千戶上下耳或曰葉爾羌古罽賓之國或曰大食月支之地迄今皆回子聚居矣

比屋鱗鱗數萬家海山珍異爛生華南人上來好交易北人欲上空咨嗟

葉爾羌與外藩連界邊外各國均來貿易衣冠詭譎形狀怪異之人奇珍異寶之物往往

有之中原江浙之人不辭險遠各携貨貲購
覓寶玉

裁絳作氍絢奇花鏤玉攻金事事誇大食孱王
月氏戮故應服教畏中華

葉爾羌回民最巧而性怯懦惟大伯克之言
是遵不敢少有忤慢

輕歌妙舞玉人粧綺席初開出侑觴試問邊庭
羈旅客春風可憶杜韋娘

葉爾羌俗尚宴會婦人多長於歌舞尤重百

戲

高架雙竿與屋平銅繩盈丈兩頭橫持裙莫漫
留飛燕看取凌風躡影輕

葉爾羗索銅為繩架高八九尺長一丈有奇
回婦艷粧應鼓之節於繩上步履往來

瑣骨非關變現來彩衣花帽巧旋回教猱升木
應非易緩急全憑羯鼓催

葉爾羗以回童數人飾以鮮衣花帽使之觔
斗回旋盤舞頗亦可觀

子羊上樹幻能為熊狎猴馴百戲隨狡獪偏教
愚俗慣轉空盤子舞丸兒

羊之為物最蠢而無識者葉爾羗回人以木
三段圓頭細頸各高徑尺層層疊疊弄羊羔
使之上於木頂又以高三尺者易之謂之羊
上樹地產熊猴回人皆弄之以為戲而舞丸
轉盤之戲亦不一而足

綠鞦妖媚儼明粧殊俗風如閩粵狂漫說餘歡
難敝席前魚未解泣成行

示異新編 卷之一
葉爾羗風俗淫佚喜男色有閭廣之風回童
少聰俊輒不得免然亦修飾妖媚與人燕好
徃徃情密至長大而不能絕交

併兼右姓久成風強食應教弱肉同豈是五陵
豪並徙古稱任俠以財雄

葉爾羗風俗豪強土霸日增其富小回子少
有積蓄皆為咀嚼而去以故人戶不能殷實
多缺衣食之人

玉光五色產河中如斗如盆各不同第一明金

和暈碧羊脂染透血斑紅

葉爾羗河中產玉大者如盆如斗小者如拳
如栗有重三百六七十觔者各色不同白如
雪青如翠黃如蠟赤如丹黑如墨皆上品一
種羊脂硃斑碧如波斯菜而金片透洒者尤
難得

羗肩跣脚列成行踏水能知美玉藏一棒鑼鳴
硃一點岸波分處獻公堂

葉爾羗河底大小石錯落平鋪玉子襍生其

間採取之法遠岸官一員守之近河岸營官
一員守之派熟練之回子或三十為一行或
二十為一行截河並肩赤脚踏石而步遇有
玉回人即脚踏知之鞠躬拾取岸上營官擊
鑼一棒官則過硃一點回子出水按硃點索
其石子

密爾岱峰高入雲璫璵萬鎰落風斤麓牛笑跨
登山肋也似崑岡抵鵲羣

去葉爾羌二百三十里山曰密爾岱達坂諸

峰高峻遍山皆玉有青黃赤白黑之不同然
石夾玉玉夾石甚多至純玉無瑕溫潤而大
至千萬觔者則在絕高山峰之肋其上人不
能置足土產犛牛慣能登陟回子携具乘牛
而上鋤鑿任其自落而取之謂之礫子石亦
曰山石每歲春秋二季葉爾羌河和闐之玉龍哈
千至萬觔不等至葉爾羌河和闐之玉龍哈
什河哈琅圭塔克河所產玉子無一定之額
儘數交納皆由台運送京師私玉之禁甚嚴

和闐人道古于闐都護遺民漢姓傳桃李林邊
春釀熟鳴機纔罷饁耕先

和闐亦回疆一大城也在葉爾羌南七百里
又南行二十日即後藏西界崇山峻嶺與外
藩道路不通東皆瀚海沮洳益東即星宿海
矣地處荒隅簡僻不隣大路所屬回城六處
曰和闐曰玉龍喀什曰噶拉喀什曰齊喇曰
噶爾雅曰他赫卜伊和闐其總名也沃野千
里回戶三四萬家玉龍喀什河哈琅圭塔克

河皆有玉子多於葉爾羗河所產石榴木瓜
蘋婆桃杏烏梅紅李櫻桃紅棗之屬所在成
林而甜瓜葡萄尤多以葡萄釀酒家有蓄藏
其人誠樸敦實盡力根本無遊惰浮華之習
男力稼穡女勤蠶織有和闐紬絹繭繭雀塔爾
布縐密光實非別城所有也或曰和闐即古
于闐也回子呼漢人為赫探漢任尚都護西
域以後亂遺其人衆於西和闐回子皆其遺
種故回子呼之曰赫探城和闐即赫探之訛

音也然皆無可考據矣

金絲銀線巧機成盪緞花紬貢

玉京千耦無猜千肆列木瓜蘋果滿筐擎

喀叶噶爾回疆一大城也西域最為表著地
在葉爾羌西北四百八十里為西陲極邊要
害之區回子布魯特耦耕襍處西北一帶雪
山環抱過山皆外藩之布魯特遊牧正西布
魯特之外即按集延土宇曠達與邊外各國
犬牙相錯中外貿易人等日相逐於道路歲

貢盪紬緞金銀絲紬緞布石榴木瓜膏蘋婆
葡萄乾之類金貨流轉水草甘肥牲畜蕃息
人戶殷實九城種地納糧之回子三萬六千
餘戶其餘貿易回子伯克家屬阿渾毛喇海
蘭達爾人等又不下二萬餘戶

家嫺聲妓習奢華寶玦珊瑚百藝誇八柵里開
香艷集紅瑜匝地聽琵琶

喀什噶爾回城紛華靡麗多妓女嫺歌舞殷
實之戶亦頗畜之織成金銀絲氍五色絨氍

鏤金攻玉鑿銅鑲嵌無不精巧回子靴帽回
婦束髮之恰齊巴克皆出其地繡鹿茸為韉
噶拉明鏡玻璃鏡珍珠珊瑚寶石玉器金花
布青白布在西門攤粮菓牲畜不勝枚舉商
賈雲集八柵爾街長數里屋宇牆垣修整富
饒殷實之地也俗尚宴會人皆知禮法循循
然敬中國之長官不似阿克蘇以東之回子
悍然村野而已

外藩各國拱邊陲東入回疆孔道馳星布小城

風物似分茅記取策勲時

謂阿齊穆也

英阿襟爾回城在喀什噶爾南二百餘里為
外藩各國東入回疆必由之孔道最為緊要
之區田土豐美產穀豆瓜果黑礬又喀什噶
爾西北二百里為塔什伯里克回城人戶係
回子出其境即布魯特之地故官設四品阿
奇木伯克以散秩大臣布魯特比阿齊穆充
之其布魯特十九愛曼皆散布於喀什噶爾
葉爾羌烏什之間分有地界游牧資生塔什

伯里克回子亦歸其管轄即征討霍集占時
阿齊穆打仗有功賞給之地也土產二麥糜
子而已喀什噶爾東北相距八十里為阿拉
圖什回城土田肥厚寬廣果木繁茂地下濕
產大麥葡萄桑石榴木瓜桃棗瓜麥之屬喀
什噶爾東十里為別什克里木回城地既相
近風物土產約畧相同喀什噶爾西北一百
三十里為玉素納爾土什回城臨近雪山氣
候冬寒土產麥糜桃杏桑瓜而已喀什噶爾

西北一百八十里為握帕爾回城與布魯特
地界相連其山嶺皆布魯特游牧

雪中蓮放更多奇不脛蟾蜍不卵雞莫道寒門
生意盡試看阿爾古城西

喀什噶爾東北一百九十里為阿爾古回城
緊依雪山多雪雞雪蓮雪蟾雪蛆回子不知
取用惟取雪雞以充食而已東北而去四日
可至伊犁但春秋冬雪深盈丈夏伏或可行
走然亦無人往來地寒土產大麥糜葡萄桑

杏桃瓜雪山內外皆布魯特種人與回子襟
處益西北布魯特尤衆人戶數十萬家

官仍伯克似專城

王化均霑樂土成二萬里餘皆薄稅篚筐秸稔
本人情

回子之官皆名伯克有阿奇木伯克伊什汗
伯克哈襟納齊伯克商伯克明伯克哈資伯
克密拉普伯克等名不一各分品級各有執
掌分駐回城均歸辦事大臣統轄

國朝開闢新疆二萬餘里從古所未有也回民各納錢糧緞布金銅硝磺土產之物載在各回城應納賦役

仲餘氏曰烏魯木齊設有鎮迪道乃由安西道於乾隆三十七年改移巴里坤更名巴里坤道將烏魯木齊差缺道員裁撤歸併巴里坤統轄三十八年移駐烏魯木齊更名鎮迪道駐劄鞏寧城歸烏魯木齊都統管轄陝甘總督節制鎮西府知府乃由安西府於乾隆

三十七年改移巴里坤更名鎮西府屬鎮迪
道管轄府所屬宜禾奇台二縣古城巡檢宜
禾縣乃由巴里坤理事通判於乾隆三十七
年改設知縣駐巴里坤奇台縣乃由奇台舊
制通判於乾隆四十年改為縣治古城巡檢
於乾隆四十一年將奇台通判屬東吉爾瑪
泰糧巡檢移駐改設迪化州乃由舊制同知
於乾隆三十七年改為知州三十八年改為
直隸州屬鎮迪道管轄所屬昌吉阜康綏來

三縣濟木薩縣丞迪化城巡檢呼圖壁巡檢
三所千總昌吉縣乃由寧邊州同於乾隆三
十八年改為知縣阜康縣乃由甘肅平涼府
莊浪縣於乾隆四十年改移阜康綏來縣乃
由瑪納斯舊制縣丞於乾隆四十年改為知
縣濟木薩縣丞於乾隆四十一年將舊制特
訥格爾州判裁汰改設呼圖壁巡檢乃乾隆
二十九年將舊制昌吉洛克倫管糧巡檢移
駐改設頭屯蘆草溝塔西河三所千總於乾

隆四十二年將舊派管束遣犯營千總改設
所千總管理為民遣犯種地納糧其府經歷
州吏目教職典史如例安設吐魯番同知乃
由闡展同知於乾隆四十四年改駐吐魯番
所屬吐魯番闡展二巡檢闡展巡檢於乾隆
三十六年將涼州府屬平番縣苦水巡檢裁
移改設吐魯番巡檢於乾隆四十四年添設
烏魯木齊理事通判乃由涼莊理事通判於
乾隆三十七年隨同涼莊滿兵改移烏魯木

齊屬鎮迪道管轄府屬五年俸滿州屬三年
俸滿協辦半年又設三糧員庫爾喀喇烏蘓
精河二員自乾隆二十八年設屯起庫爾喀
喇烏蘓在於陝甘兩省派撥縣丞一員管理
糧務精河派撥典史一員管理糧務向屬庫
爾喀喇烏蘓大臣管轄烏魯木齊辦事大臣
統轄三年期滿仍由內地揀員更換乾隆四
十五年庫爾喀喇烏蘓改設同知管理地方
糧務尚未題准有人四十八年復經裁汰併

將精河由內地揀派糧員停止照依伊犁之
例均由効力廢員內揀選賞銜管理四十九
年查照原議在於廢員內揀選庫爾喀喇烏
蘇賞給通判銜精河賞給典史銜改歸鎮迪
道管轄烏魯木齊都統統轄喀喇巴爾噶遜
於乾隆五十六年照依精河之例添設糧員
在於効力廢員內揀選賞給典史銜管理糧
務歸鎮迪道管轄五十九年奉
上諭嗣後烏魯木齊管糧人員缺出由京揀

選派往管理欽此此則烏魯木齊地方糧員
官制也余承乏鎮迪道得知其詳因與椿園
所述不同附記於此時

嘉慶丙辰秋日補錄

